

NOTA DE PRENSA

ESPECIAL SELMANA DE LES LLETRES NA RTPA

Xixón, 4 de mayu de 2022

La 43 Selmana de les Lletres Asturianas, que va desenvolvese dende'l martes 3 al viernes 6 de mayu, va centrarse nesta ocasión nes actividaes artístiques nes que destacó Ígor Medio: el cómic y la música. L'artista xixonés, que morrió nun accidente de carretera nel 2006, diba facer los 50 años nel 2022.

En RPA van emitise 20 espacios dedicaos a esti acontecimientu.

En TPA, amás de les pieces diaries de los programes informativos, preparóse una programación especial pa emitir a lo llargo de la selmana.

En RTPA.ES nueva sección web de programes n'asturianu y estrena de "Hansel y Gretel"

Martes, 3 de mayu, 23:15: Documental 'Onde soi quien quiero ser'. Una semblanza d'Ígor Medio.

Xueves, 5 de mayu: Presentación y estrena na web de RTPA de la obra audiovisual "Hansel y Gretel" y la guía d'alfabetización audiovisual.

La Consejería d'Educación, y la Consejería de Cultura, Política Llingüística y Turismu con RTPA presenten nel marcu de la 43 Selmana de les Lletres Asturianas, l'adaptación televisiva de la obra de teatru "Hansel y Gretel" producida pola radiotelevisión pública, y ponen a disposición de la ciudadanía, y sobre manera, de la comunidá educativa la primer guía d'alfabetización audiovisual d'una obra n'Asturies. La guía tien una versión dirixida n'especial a Secundaria en formatu PDF, y una versión en formatu interactivu dirixida al alumnáu de Primaria, diseñada pola propia Consejería d'Educación.

"Hansel y Gretel" ye un encargu de producción n'asturianu que forma parte de la convocatoria "Asturies crea sinerxes" promovida pola Consejería de Cultura, Política

Llingüística y Turismu, y RTPA; y realizada pola productora asturiana, Cuatro Gotes Producciones.

Xueves, 5 de mayu, 23:45 y diariu de llunes a vienres, 15:15: “Pieces” programa especial Selmana de les Lletres Asturianes

Esta selmana, programa especial dedicáu a la celebración de la Selmana de les Lletres Asturianes col grupu de folk Burbús, el músicu y dibuxante Ruma Barbero, el fotógrafu y cineasta Pablo Casanueva, l’escritor Pablo Antón Marín Estrada y l’especialista en cómic Norman Fernández.

Vienres, 6 de mayu, 12:00: Dende'l Teatru Filarmónica RTPA emite en directo l’actu de l’**Academia de Llingua**, del Día de les Lletres Asturianes.

Sábadu, 7 de mayu, 10:00: Estrena de l’**adaptación televisiva de ‘Hansel y Gretel’**.

Domingu, 8 de mayu, 23:00: La Selmana de les Lletres Asturianes d’esti añu ye n’alcordanza del dibuxante de comic y músicu Igor Medio. Dellos artistes recuerdenlu nun conciertu homenaxe nel Teatru de la Llaboral.

“El conciertu d’Ígor Medio”, cola participación de los grupos Felpeyu, y integrantes de Tuenda, DRD, La Bandina'l Tombo y Corquiéu, acompañaos por José Manuel Tejedor, Mapi Quintana, Bree Delian, Alberto Sánchez, Xuan Nel Expósito, Cástor Castro, Félix Castro, Toño Gómez, Xel Pereda y Isidro Suárez.

ESPECIAL SELMANA DE LES LLETRES NA RPA

La Radio del Principáu d'Asturies (RPA) va realizar distintes emisiones en llingua asturiana. Nesta ocasión, van emitise 20 espacios rellacionaos na figura d’Ígor Medio, protagonista esti añu de la Selmana de les Lletres. Caúna de les pieces va emitise depués los boletinos de noticias.

Los distintos programes de RPA, dedicarán tamién, dientro de los sos conteníos habituales, espacios en llingua asturiana, que van dar cuenta de l'axenda de los actos diarios, con entevistes a distintos escritores y a los nuevos miembros de l'Academia, etc.

RPA va retresmitir tamién, como tolos años, l'actu institucional qu'entama l'Academia de la Llingua Asturiana con motivu del Día de les Lletres.

PROGRAMES N'ASTURIANU NA WEB RTPA.ES

NUEVA SECCIÓN WEB

<https://www.rtpa.es/tpa-programes-asturianu>

TPA estrena na web un repositoriu colos conteníos n'asturianu más recién.